



LKS AUDITORES, S. L. P.
Polígono Basabe. Pab. E-0 2º Dcha
20550 ARETXABALETA (Gipuzkoa)
T: 943 03 74 80
F: 943 03 74 81
lksauditores@lksauditores.es
www.lksauditores.es

MUNDUKIDE FUNDAZIOA

**Urteko kontu laburtuen
auditoretza-txostena,
2025eko abenduaren 31koa,
auditore independente batek egina**

2026ko ekaina

MUNDUKIDE FUNDAZIOA

URTEKO KONTU LABURTUEN AUDITORETZA-TXOSTENA,
2025EKO ABENDUAREN 31KOA,
AUDITORE INDEPENDENTE BATEK EGINA



LKS AUDITORES, S. L. P.
Polígono Basabe. Pab. E-0 2º Dcha
20550 ARETXABALETA (Gipuzkoa)
T: 943 03 74 80
F: 943 03 74 81
lksauditores@lksauditores.es
www.lksauditores.es

URTEKO KONTU LABURTUEN AUDITORETZA-TXOSTENA, AUDITORE INDEPENDENTE BATEK EGINA

MUNDUKIDE FUNDAZIOAren Patronatuari:

Iritzia

MUNDUKIDE FUNDAZIOAren urteko kontu laburtuen auditoretza egin dugu. Bertan, hauek sartu ditugu: 2025eko abenduaren 31ko balantze laburtua, emaitza-kontu laburtua eta egun horretan amaitutako ekitaldiari dagokion memoria laburtua.

Gure ustez, MUNDUKIDE FUNDAZIOAk 2025eko abenduaren 31n dituen ondarearen eta egoera finantzarioaren eta egun horretan bukatutako ekitaldiko emaitzaren irudi fidela erakusten dute honekin batera doazen urteko kontu laburtuek, alderdi nabarmen guztietan. Horiek guztiek bete egiten dituzte aplikatzekoak diren finantza-informaziorako arauak (memoria laburtuaren 2.a oharrean zehaztuak) eta, bereziki, horietan jasotako kontabilitate-printzipio eta -irizpideak.

Iritziaren oinarria

Gure auditoretza Espainian kontu-auditoretzako jarduera arautzeko indarrean dagoen araudiari jarraikiz egin dugu. Arau horien arabera dagozkigun erantzukizunak aurrerago deskribatu ditugu gure txostenean, atal honetan: Auditorearen erantzukizunak urteko kontu laburtuen auditoretzari dagokionez.

Entitatetik independenteak gara, eta, beraz, bete egiten ditugu Espainian urteko kontuen gure auditoretzari aplikatzekoak diren etika-eskakizunak, independentziarenak barne, kontu-auditoretzako jarduera erregulatzen duen araudiak eskatutakoaren arabera. Ildo horretan, ez dugu eskaini kontu-auditoretzako zerbitzuaz bestelako zerbitzurik eta ez da gertatu, araudi erregulatzailerik horretan ezarritakoaren arabera, beharrezko independentzia hori kolokan jar zezakeen egoerarik edo gorabeherarik.

Gure ustez, auditoretzarekin lortu dugun ebidentziak oinarri nahikoa eta egokia bermatzen du iritzia emateko.

MUNDUKIDE FUNDAZIOA

Urteko kontu laburtuen auditoretza-txostena, 2025eko abenduaren 31koa,
auditore independente batek egina

Auditoretzaren alderdirik garrantzitsuenak

Hauek dira auditoretzako alderdirik garrantzitsuenak: gure iritzi profesionalaren arabera uneko epealdiko urteko kontu laburtuen auditoretzan akats materiala eragiteko arrisku nagusitzat jotakoak. Arrisku horiek osotasunean aztertu ditugu gure urteko kontu laburtuen auditoretzan, eta osotasunean eman dugu, halaber, horiei buruzko iritzia; hau da, ez dugu arrisku horietako bakoitzari buruzko iritzi bereizirik adierazi.

Dirulaguntza bidezko diru-sarrerak kontabilizatzea***Deskribapena***

MUNDUKIDE FUNDAZIOA fundazio pribatua da, eta helburu hau du: hegoaldeko herrialdeekin lankidetzan aritzea eta esperientziak, baliabideak eta ezagutza metatua partekatzea, inplikaturako alderdien garapen autogestionatu eta integrala sustatzeko. Horretarako, kooperatiben elkartasuna aktibatzen du, Mundukideren balio eta printzipioetan oinarrituta. 2025eko ekitaldiko diru-sarrera guztietatik % 40,13 proiektu jakinetarako dirulaguntzetatik etorri dira; beraz, administrazio publikoetatik datozen diru-sareren menpekotasun handia dauka Fundazioak.

Dirulaguntzak kobratzeko eskubidearen bidezkoatasuna egiaztatzea eta sortzapen-irizpideen arabera emaitzetara edo hainbat ekitalditan banatzeko diru-sarreretara egozte alderdi garrantzitsuak dira gure auditoretzan, dirulaguntza horiek emaitza-kontuan duten bolumena eta ekitaldiko diru-sarrerak zehaztean akats materiala egiteko arriskua aintzat hartuta.

Gure erantzuna

Alderdi horri dagokionez, honako hauek egin ditugu, besteak beste, gure auditoretza-prozeduretan: dirulaguntzak emateko ebazpenen zuzentasuna aztertu (ez itzultzekoak direla ikusirik) eta kontabilitatean helburuaren arabera egoki jaso diren egiaztatu. Ikusi dugunez, bete egin dira dirulaguntzak emateko ezarritako baldintzak eta ez dago jasotzearen inguruko arrazoizko zalantzarik. Era berean, erakunde publiko nahiz pribatuek emandako dirulaguntzen esleipen-erabakiak berrikusi ditugu, eta ohartu gara ekitaldiko emaitzari egotzitako dirulaguntzak daudela eta 2025eko ekitaldia ixtean oraindik kobratu gabeko zenbatekoak daudela. Orobat, egiaztatu ahal izan dugunez, zenbateko horiek geroago kobratu dira, edo, bestela, kobratzeko dagoen saldoa arrazoizkoa izan da.

Bestalde, honekin batera doan memoriaren 4.g, 4.i, 12 eta 15.c oharretan azaldutako edukiei buruz Entitateak emandako informazioaren egokitasuna ere aztertu dugu.

Egindako prozeduretan oinarrituta ondorioztatu dugu jasotako dirulaguntzei urteko kontuetan emandako kontabilitate-tratamendua eta informazio-xehakapena arrazoizkoak direla eta bat datozela lortutako ebidentziarekin.

MUNDUKIDE FUNDAZIOA

Urteko kontu laburtuen audiotretza-txostena, 2025eko abenduaren 31koa,
audiotre independente batek egin

Patronatuko kideen erantzukizuna urteko kontu laburtuei dagokienez

Honekin batera doazen urteko kontu laburtuak formulatzea Patronatuko kideen ardura da, eta Entitatearen ondarearen, finantza-egoeraren eta emaitzen irudi fidela islatu behar dute, Espainian Entitateari aplikatu behar zaizkion finantza-informaziorako arauak betez eta urteko kontu laburtuak iruzur edo erreoren ondoriozko akats materialik gabe prestatzeko nahitaezkoztat jotzen duten barne-kontrolari jarraikiz.

Urteko kontu laburtuak prestatzean, Patronatuko kideen ardura da Entitateak jarduneko enpresa izaten jarraitzeko gaitasuna ote duen balioestea. Dagokionean, jarduneko enpresari lotutako gaiak azaldu eta jarduneko enpresaren kontabilitate-printzipioa erabili behar du, salbu eta Patronatuko kideek Entitatea likidatzeko edo eragiketak amaitzeko asmoa badute, edota beste aukera errealistatik ez badago.

Auditorearen erantzukizunak urteko kontu laburtuen audiotretzari dagokionez

Hauek dira gure helburuak: arrazoizko segurtasun batekin esan ahal izatea urteko kontu laburtuek, oro har, ez dutela iruzur edo erreoren ondoriozko akats materialik, eta gure iritzia biltzen duen audiotretza-txostena egitea. Arrazoizko segurtasunak segurtasun-maila handia ziurtatzen du, baina ez du bermatzen Espainian indarrean dagoen kontu-auditoretzaren jarduerari buruzko araudia betez egindako audiotretzek akats material guzti-guztiak detektatuko dituztenik beti. Iruzur edo erreoren eraginez gerta daitezke akatsak, eta materializat jotzen dira, baldin eta, banaka edo multzoka, arrazoizkoa bada aurreikustea eragina izango dutela urteko kontu laburtuetan oinarrituta erabiltzaileek hartzen dituzten erabaki ekonomikoetan.

Espainian audiotretza-jarduera erregulatzeke indarrean dagoen araudia bete behar duen audiotretza den heinean, gure judizio profesionala ematen dugu, eta gure jarrera eszeptizismo profesionalen oinarritzen da audiotretza osoan. Eta, gainera:

- Iruzur edo erreoren eraginez urteko kontu laburtuetan akats materialak izateke arriskuak identifikatzen eta balioesten ditugu, arrisku horiei erantzuteke audiotretza-prozedurak diseinatu eta aplikatzen ditugu eta gure iritzia oinarritzeko moduko audiotretza-ebidentzia nahikoa eta egokia lortzen dugu. Iruzuraren ondoriozko akats material bat ez detektatzeko arriskua handiagoa da erreoren ondorioz gertatutako akats materialen kasuan baino, iruzurrak berekin ekar ditzakeelako kolusioa, faltsutzea, nahitako ez-egiteak, nahitako adierazpen okerrak edo barne-kontrola saihestea.
- Auditoretzarako garrantzitsua den barne-kontrolaren berri jasotzen dugu, zirkunstantzien arabera egokiak diren audiotretza-prozedurak diseinatzeko, ez Entitatearen barne-kontrolaren eraginkortasunaren gaineko iritzia emateke.
- Erabilitako kontabilitate-politikak egokiak diren eta kontabilitate-estimazioak eta Patronatuko kideek emandako informazioa arrazoizkoak diren balioesten dugu.

MUNDUKIDE FUNDAZIOA

Urteko kontu laburtuen auditoretza-txostena, 2025eko abenduaren 31koa,
auditor independente batek egina

- Patronatuko kideek jarduneko enpresaren kontabilitate-printzipioa erabiltzea egokia den edo ez ondorioztatzen dugu, eta, lortutako auditoretza-ebidentzian oinarrituta, zalantza materialik badagoen ala ez, Entitateak jarduneko enpresa gisa jarraitzeko duen gaitasunaren inguruan zalantza esanguratsuak sorraraz ditzaketen gertaera edo baldintzei loturik. Ziurgabetasun materiala dagoela ondorioztatuz gero, urteko kontu laburtuetan horren inguruan emandako informazioari buruz ohartarazi behar dugu gure auditoretza-txostenean. Eta, informazio hori okerra bada, iritzi aldatua eman behar dugu. Auditoretza-txostenaren egunera arte lortutako auditoretza-ebidentzian oinarritzen dira gure ondorioak. Alabaina, litekeena da etorkizuneko gertaera edo baldintzen ondorioz Entitateak jarduneko enpresa izateari uztea.
- Urteko kontu laburtuen (eta informazioaren) aurkezpen globala, egitura eta edukia ebaluatzen ditugu, baita urteko kontu laburtuek transakzio eta azpiko egitate guztien irudi fidela erakusten duten ere.

Entitateko Patronatuko kideekin harremanetan egoten gara, besteak beste, planifikatutako auditoretza noiz egingo den eta zer irismen izango duen jakiteko, auditoretzan azaldutako kontu nagusiak aztertzeke eta auditoretzan aurkitutako barne-kontroleko edozein urritasun nabarmenen berri emateko.

Entitateko Patronatuko kideei jakinarazi dizkiegun arrisku nabarmenen artean, uneko epealdiko urteko kontu laburtuen auditoretzako nabarmenenak zehazten ditugu, horiexek baitira arriskurik garrantzitsuenak.

Arriskuok gure auditoretza-txostenean deskribatzen ditugu, non eta lege- edo arau-xedapenek gaia jendaurrean ezagutzera ematea debekatzen ez duten.

LKS AUDITORES, S.L.P.

ROAC zenbakia: S1054



Edurne Idigoras Gamboa

ROAC zenbakia: 20.955

2026ko ekainaren 30a

AUDITORES
INSTITUTO DE CENSORES JURADOS
DE CUENTAS DE ESPAÑA

LKS AUDITORES, S.L.P.

2026 Núm. 03/26/04803

.....
Informe de auditoría de cuentas sujeto
a la normativa de auditoría de cuentas
española o internacional
.....

Auditoretza-txosten hau gaztelaniaz 2026ko ekainaren 30ean igorritako jatorrizko auditoretza-txostenaren kopia bat da, euskara itzultitakoa; hortaz, itzulpenak bestelako interpretaziorik eragiten badu, gaztelaniazkoa hartuko da kontuan.